

陸放翁全集

劍南詩稿

冊九

卷之三

七

劍南詩稿目錄

卷第三十七

病中作 題郭太尉金州第中至喜堂 莫春

小園新晴二首 春晚感事二首 春晚園

中作

題夷堅志後

幽居

聞鳥聲有感二  
首

與子虞子坦坐龜堂後東窗偶書 行年

東窗小酌二首

西林傅菴主求定菴詩二  
首

夏日五首

夜酌

夏夜四首

泛舟

感舊六首

書喜

自詠

露坐二首

親舊

或見嘲終歲杜門戲作解嘲

北窗

新秋以

窗裏人將老門前樹欲秋爲韻作小詩十首

食新有感貧居久蔬食至是得肉 秋夕露坐

作 有年

大雨 東西家予自春夏屢病

至立秋而愈作長句自賀 七月十一日雨後

夜坐戶外觀月

王與道尚書挽詞二首

初

秋 感秋

北窗試筆

秋思四首

新涼二

首自遣自規感舊四首秋日獨酌

夙興身世憶昔豐歲

村居中秋夜

半後無雲而月色微淡尤爲絕景夜賦遺

興秋賽

寄題周丞相平園

雨三日歌

戲作沿生絕句

龜堂雜題四首

偶讀陳無

已芍藥詩云一枝剩欲簪雙髻未有人間第一

人蓋晚年所作也爲之絕倒戲作小詩

村舍

雨中作

江郊

閒趣三首

小飲

作字

晝睡起偶賦

小舟過吉澤効王右丞

湖

山雜賦五首

太息四首

學書

晚興秋

晴見天際飛鴻有感

初寒獨居戲作

夢觀

牡丹書喜三首

小飲罷行至湖塘而歸

病

病雁

澤居

秋穫歌

戊午重九

重九懷

獨孤景略

晨鏡

秋霽遺懷

屏迹

初寒

風雨

龜堂自詠二首

閒居初冬作

病

中排悶

季秋已寒節令頗正喜而有賦

病

# 劍南詩稿卷第三十七

宋 陸 游 務 觀

## 病中作

破裘縫更暖糲食美無餘摩詰病說法虞卿窮箸書  
身羸支枕久足蹇下堂疎今日晴窗好幽懷得好攄  
題郭太尉金州第中至喜堂

安康甲第天下傳玉題繡井摩雲煙落成鼓吹震百  
里意氣欲壓秦山川第中築堂最宏麗奎畫炭炭蛟  
龍纏知公所喜在勇退顧視解組如登仙公心雖爾  
天未可終倚北伐銘燕然十年宿衛功第一小却臥  
護長淮邊帳前犀甲羅十萬幙下珠履逾三千願公  
小緩高枕計卽今河雒猶腥羶出師雞鹿擁皂纛畫  
象麒麟峩峩玉蟬是時公喜客亦樂爲公滿瀉黃金船  
莫春

山陰又見莫春初禁火園林社雨餘世事不妨隨日  
改年光未遽與人疎疏香下箸嘗尊菜鹽白開奩得  
製魚艸艸一杯終可喜數間茅屋亦吾廬

小園新晴

散髮陽狂不計年園林只在小窗前斷虹千尺卷殘  
雨新月一鉤生莫天臘釀拆泥留客醉山茶落磧喚  
兒煎物華心賞元無盡剩住人間作地仙

又

衰病猶煩藥石功殘春終日在園中地偏幽艸爲誰  
綠雨霽新花如許紅足蹇扶持須稚子杯深暖熱賴  
鄰翁此身雖向閑中老若比休休却未同司空表聖休  
休亭歌曰休休休莫莫伎倆雖多性靈惡賴是常教閑處著

春晚感事

據鞍千里何曾病閉戶安眠百病生每憶嘉陵江上  
路插花藉艸醉清明

又

寒食梁州十萬家鞶轡蹴鞠尚豪華犢車輳輶歸城  
晚爭碾平蕪入亂花

春晚園中作

杏子青青梅子酸山園轉眼又春殘老懷豈復小年  
樂病骨不禁清曉寒學術背時甘義墮功名無路久  
心闌蠶收麥熟吾何恨但遣銀杯似海寬

題夷堅志後

筆近反離騷書非支諾臯豈惟堪史補端足擅文豪  
馳騁空凡馬從容立斷鼈陋儒那得議汝輩亦徒勞

幽居

小舫簾爲纜幽居竹織門短籬圍蘿蕩細路入桑村  
魚膾桂頭美醅傾粥面渾殘年謝軒冕猶足號黎元

聞鳥聲有感

小市提壺酤濁酒東陂脫袴插青秧歸來靜臥茅簷  
底如覺閑中白日長

又

珍倣宋版印  
流年冉冉去無情日夜溪頭布穀聲城郭雖存人換盡令威應海學長生

與子虞子坦坐龜堂後東窗偶書

時鳥朝莫鳴芳艸日夜生春風捨我去歲律俄崢嶸綴簇繭繭白白出陂稻青青鳴機織苧葛暑服亦已成小兒結山房窗戶頗疎明萬事不挂眼朱黃浩縱橫佳哉東北風吹下讀書聲功名詎敢望日復慰父兄是日午間聞子聿在山半讀書相與欣然

行年

行年過七十與世兩相忘墨沼龜魚樂藥園芝术香吾生一蟲臂世路幾羊腸楮弁新裁就翛然學道裝新作兩楮冠

東窗小酌

烏帽翩僂白苧涼東窗隨事具杯觴流年不貸世人老造物能容吾輩狂藤葉成陰山鳥下檜花滿地蜜蜂忙何人畫得農家樂咿軒縹車隔短牆

市塵遠不到林塘嫩暑軒窗晝漏長蠶妾趁時爭鹽  
繭農夫得雨正移秧徒行有客驚頑健爛醉無人笑  
老狂却掩菴門徑投枕鼾聲雷起撼藜牀

西林傅庵主求定庵詩

粥後鐘魚未動時夜燈仍對碧琉璃不須更說能生  
慧枯木寒灰也自奇

又

業力驅人舉世忙西林袖手一爐香未能成佛渾閑  
事十劫看渠坐道場

夏日

將雛燕子漸離巢過母龍孫已放梢日出竝湖初曬  
網爾餘乘屋旋添茅家貧舊業元知廢身老微官久  
合拋莫恨門前車馬絕豈無農圃與論交

又

過眼春光久已空曬絲擣麥又匆匆新泥滿路梅黃

雨古木號山月暈風角黍茭新聞罇俎靈符墨涇照  
房櫳歲華不爲衰翁駐且付餘生一笑中

又

吳中五月暑猶微竟日南堂坐掩扉綠樹露一作霧  
香鶯獨語畫廊風惡一作急燕雙歸三千界內人人  
錯七十年來念念非投老萬緣俱掃盡從今僧亦不  
須依

又

雨斷雲歸旋作晴尚餘紅溼在簾旌燕雛掠地飛無  
力梅子臨池墜有聲米糲解包供午餉辦齋傍枕析  
朝醒此翁不負頑軀處捫腹時時繞舍行

又

梅雨初收景氣新太平阡陌樂閑身陂塘漫漫行秧  
馬門巷陰陰挂艾人白葛烏紗稱時節黃雞綠酒聚  
比鄰掀髯一笑吾真足不爲無錐更歎貧  
夜酌

酒綠孤燈夜梅黃細雨天聊成顧影醉復作曲肱眠  
腰下蘇秦印囊中趙壹錢丈夫隨所遇底處不陶然

夏夜

夏夜誰知亦自長幽居渺在水雲鄉月侵竹簟清無暑風度衣篝潤有香棲鵠自驚移別樹流螢相逐過橫塘放翁尚苦餘醒在細綆銅鉛落井牀

又

山崦風生鵬嘯悲柴門月上樹陰移熏衣汗雨初乾後把卷蚊雷不動時孤悶難禁終歲病浮生易滿百年期釣竿只待清秋近一棹煙波信所之

又

展轉紗幘睡不成一藤扶僊繞廊行月昇雙鵠移枝宿露下孤螢綴蔓明汲井忽驚人已起開門堪歎事還生羽衣道帽從吾好柏子煙中起磬聲

又

龜息綿綿破五更起扶藤杖竝南榮擇栖孤鵠尚三

師司日老雞俄一鳴移坐徐看山月吐脫巾聊受水  
風清不知竟是真仙未夜夜神遊白玉京

泛舟

水鄉元不減吳松短櫂沿洄野興濃鬱鬱冬青森翠  
葆離離夜合散紅茸 水涯多此二樹 村深初度穿林笛  
寺近先聞出塢鐘歸路夕陽猶滿岸憑舷一笑覽衰

容

感舊

要識梁州遠南山在眼邊霜郊能撲樹雪路馬蒙虧  
慘淡遺壇側 拜韓信壇至今猶存 蕭條古廟壻 沔陽有獨  
後主所立武侯廟 百詩猶可想歎息遂無傳 予山南雜詩百  
餘篇舟行過望雲灘墜水中至今以爲恨

又

夜涉南沮水朝過小益城梯山天一握度棧土微平  
雨近秦雲暗霜高隴月明至今孤夢裏喝馬有遺聲  
喝馬皆七字韻語聞之悲愴動人

又

早發金堆市更衣石櫃亭灘聲秋後壯山色雨餘青  
道濱愁車轍橋危避駝鈴功名竟何在撫事感頽齡

又

塵土暗貂裘森然白髮稠年光真衰衰吾事竟悠悠  
馬宿平沙夜軍中馬及廐卒夏夜皆露宿沙上烽傳絕塞秋  
平安火竝南山來至山南城下故人零落盡追寫只添愁

又

凜凜隆中相臨戎遂不還塵埃出師表艸棘定軍山  
壯氣河潼外雄名管樂間登堂拜遺像千載媿吾顏

又

我思杜陵叟處處有遺蹤錦里瞻祠柏綿州弔海棕  
蹉跎悲櫼驥感會失雲龍生世後斯士吾將安所從

書喜

雨足郊原正得晴地縣萬里盡春耕陰陰阡陌桑麻  
暗軋軋房櫳機杼鳴亭鼓不聞知盜息社錢易斂慶

秋成天公不負書生眼留向人間看太平

自詠

平生萬事付憨癡兀兀騰騰到死時夜踏亂雲過略  
行曉分寒溜注軍持束薪山客招烹石渡海蕃僧乞  
製碑作箇生涯君勿笑柱天勳業亦兒嬉

露坐立秋前五日

旋削甘瓜進酒卮斷雲漠漠斗離離北臨積水風來  
壯東恨長林月上遲秋近不堪聞急杵夜涼已復怯  
輕絲天孫老抱河梁恨豈獨人生事可悲

又

岸幘臨窗意未便又拖筇杖出庭前清秋欲近露霏  
艸皎月未升星滿天過埭船爭明日市蹋車人廢徹  
宵眠齊民一飽勤如許坐食官倉每惕然  
親舊或見嘲終歲杜門戲作解嘲

十年蕭散住林間只是幽居不是閑續得茶經新絕  
筆補成僧史可藏山詩題紫閣憑雲寄藥報青城附

鶴還自笑何曾總無事枉教人道閉柴關

北窗

寒泉斷藕素絲長紋簾開瓜碧玉香午睡覺來桐影  
轉無人可共北窗涼

新秋以窗裏人將老門前樹欲秋爲韻作小詩  
殘暑無多日幽居近小江酒醒中夜起松月入山窗

又

陸子江海人所願守節死潮生釣瀨邊月落菱歌裏

小智每自私大患緣有身孰能忘彼己吾將友斯人

又

野艇千錢買明當泛渺茫但能容一檯家具不須將

又

立朝紹興間猶及見諸老魂夢不可逢丘坟閉秋艸

又

朝真方捨杖步月始開門零落山花後經旬掩綠樽

又

唐虞雖已遠至道豈無傳度日一編裏懷人千載前

又

秋風昨夜來聲滿梧桐樹故人渺天末此夕誰與度

又

少年雖婚宦淡然本無欲婆娑三畝園自歎不啻足

又

無食妨何事吾兒可散愁焚香正巾褐聽汝讀春秋

食新有感貧居久蔬食至是方稍得肉

壯遊車轍遍天涯晚得祠官不去家優老每慚千載  
遇食新又歎一年加出波魚美如通印下棧羊肥抵  
臥沙捫腹笑歌仍索酒不嫌鄰舍怪謹譁

秋夕露坐作

銀河半落露華清南斗闌干北斗明冉冉方悲老將  
至纖纖又歎月初生酒牀細滴香浮衾衣杵相聞聲  
滿城萬卷讀書無用處却將耕稼報昇平

有年

不向神林乞雨晴天公自解相西成急符收盡無逋  
賦新酒沽多足笑聲外戶徹局停夕柝齊民相勸力  
春耕傳聞夜市連三鼓却恨龐公不入城

大雨

北風挾驕雲突起塞宇宙赫日初未西盼轉失白晝  
翻空黑幟合列陣陣奇鬼鬪雨鏃飛縱橫雷車助奔驟  
平階水入戶溝瀆不能受對面語不聞持繖避屋漏  
兒童抱圖書衣屢那暇救縱暴理豈長忽已收簷雷  
比鄰更相勞据拾如遇寇老子獨癡頑長歌對醇酎

東西家

東家雲出岫西家籠半山西家泉落澗東家鳴珮環  
相對籬數掩各有茆三間芹羹與麥飯日不廢往還  
兒女若一家雞犬意自閑我亦思卜鄰餘地君勿慳  
良藥扶衰抵萬金漸加糜粥輒呻吟溪風拂簟有秋

予自春夏屢病至立秋而愈作長句自賀